

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), a u vezi sa članom 112. stav 2. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj 7/12), razmatrajući inicijativu Općinskog vijeća Maglaj, za izmjene i dopune Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za RVI – paraplegičare, Vlada Zeničko-dobojskog kantona, na 165. sjednici, održanoj 22.05.2014. godine, d o n o s i

ZAKLJUČAK

I.

Prihvata se mišljenje Ministarstva zdravstva Zeničko-dobojskog kantona o inicijativi Općinskog vijeća Maglaj za donošenje izmjena i dopuna Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za RVI – paraplegičare („Službene novine Zeničko-dobojskog kantona“, broj: 4/05).

II.

Mišljenje Ministarstva zdravstva Zeničko-dobojskog kantona iz tačke I. sastavni je dio ovog zaključka.

III.

Zaključak stupa na snagu danom donošenja.

Broj: 02-_____/14.

Datum, 22.05.2014. godine

Z e n i c a

PREMIJER

Munib Husejnagić, dipl. ing.maš.

DOSTAVLJENO:

1x Ministarstvo zdravstva Zeničko-dobojskog kantona,
1x Stručna služba Skupštine Zeničko-dobojskog kantona,
1x Općinsko vijeće Maglaj (putem Ministarstva),
1x Zavod zdravstvenog osiguranja Ze-do kantona,
1x a/a.



Broj: 11-02-6245-5-2/14.
Datum 16.05.2014.godine.

ZENIČKO-DOBOJSKI KANTON
VLADA KANTONA
n/r Premijera
n/r Sekretara

PREDMET: Mišljenje na zaključak Općinskog vijeća Maglaj – dostavlja se,-

Općinsko vijeće Maglaj je dana 05.03.2014. godine pokrenulo inicijativu za izmjene i dopune Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za RVI – paraplegičare („Službene novine Zeničko-dobojskog kantona“ broj: 4/05).

Nakon razmatranja navedene inicijative, Ministarstvo zdravstva Zeničko-dobojskog kantona daje sljedeće:

M i š l j e n j e

Odlukom o utvrđivanju Osnovnog paketa zdravstvenih prava („Službene novine F BiH“, broj: 21/09), utvrđena su minimalna prava iz obaveznog zdravstvenog osiguranja na području Federacije Bosne i Hercegovine, saglasno članu 32. Zakona o zdravstvenom osiguranju („Službene novine F BiH“, broj 30/97, 7/02, 70/08 i 48/11). Osiguranim licima je obezbijeđeno pravo na zdravstvenu zaštitu, naknada plaće u slučaju privremene spriječenosti za rad, pravo na snabdijevanje lijekovima sa esencijalne liste i korištenje ortopedskih i drugih pomagala.

Pored prava utvrđenih osnovnim paketom Skupština kantona može utvrditi i veći obim prava od obima pojedinih prava, što je naš kanton i učinio i jedini je u Federaciji Bosne i Hercegovine proširio obim prava za RVI – paraplegičare u dijelu koji se odnosi na medicinsko-sanitarni materijal i lijekove.

Poređenja radi u Kantonu Sarajevo kategorija paraplegičara finansira se sa 50 % sredstava iz budžeta kantona, a preostali dio 50 % iz sredstava obaveznog zdravstvenog osiguranja, dok se u Tuzlanskom kantonu cjelokupna sredstva za paraplegičare obezbijavaju u budžetu ovog kantona.

Što se tiče inicijative Općinskog vijeća Maglaj da se ovjera specifičnih lijekova za RVI – paraplegičare, vrši u poslovnica Zavoda zdravstvenog osiguranja, to nije moguće organizirati, jer poslovnice ne zapošljavaju ljekare koji mogu procjenjivati potrebe za ovjerom određenog lijeka, a što se sada obavlja u okviru Ministarstva zdravstva Zeničko-dobojskog kantona.

Što se tiče inicijative da se specijalna kolica za paraplegičare finansiraju sredstvima obaveznog zdravstvenog osiguranja, to nije moguće prihvatiti jer se nabavka specijalnih kolica vrši u saradnji sa Ministarstvom za boračka pitanja, koji svojim sredstvima sufinansira nabavku kolica i to iznosom iznad cijene standardnog pomagala.

Napominjemo da su Zakonom o dopunskim pravima branilaca i članova njihovih porodica – prečišćen tekst („Službene novine Zeničko-dobojskog kantona“, broj 5/13), posebno regulisana dopunska prava iz zdravstvene zaštite i prava na banjsko-klimatsko liječenje RVI - branilaca i članova njihovih porodica, za koja se sredstva obezbjeđuju u budžetu kantona.

S poštovanjem.

MINISTRIČA

Mr.med. sci. dr. Senka Balorda

Dostavljeno:
2 x Naslovu,
1 x a/a.



Broj: 13/04-1-02-6245-3/14

Zenica, 21.05.2014.godine

27-05-2014
Stokis

- Stručna služba Vlade Kantona

- Premijer Kantona

P r e d m e t: Mišljenje po Incijativi OV Maglaj - dopis br. 02-05-1-521-1/14 od 26.03.2014.g.

- prijedlog zaključka Vlade, dostavlja se

Dopisom Vlade Kantona br. 02-1-02-6245-2/14 od 01.04.2014.g. od Ministarstva za boračka pitanja zatraženo je mišljenje o inicijativi Općinskog vijeća Maglaj, upućenoj predsjedavajućem Skupštine Kantona u prilogu dopisa broj i datum gornji.

U prilogu vam, a u cilju razmatranja istog materijala na sjednici Vlade Kantona, dostavljamo Mišljenje Ministarstva za boračka pitanja broj 13/04-1-02-6245-2/14 u vezi naznačene Inicijative, sa prijedlogom zaključka Vlade o prihvatanju istog.

S poštovanjem



MINISTAR

Nedžad Lokmić



- Stručna služba Vlade Kantona

- Premijer Kantona

Predmet: Mišljenje po Incijativi OV Maglaj - dopis br. 02-05-1-521-1/14 od 26.03.2014.g.

Veza: Vaš akt br. 02-1-02-6245-2/14 od 01.04.2014.g. i 02-1-02-6245-4/14 od 07.05.2014.g.

Dopisom Stručne službe Skupštine Zeničko-dobojskog kantona br. 01/02-02-6245-1/14 od 28.03.2014.god., od Vlade Kantona zatraženo je mišljenje o inicijativi prosljeđenoj u prilogu dopisa Općinskog vijeća Maglaj br. 02-05-1-521-1/14 od 26.03.2014.g. za izmjenu i dopunu odredbi Odluke o proširenim pravima na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare ("Sl. novine ZDK" br. 4/05).

Ministarstvo za boračka pitanja ZDK nakon što je razmotrilo navedenu Incijativu, i pribavilo mišljenje UG RVI paraplegičara ZDK, daje sljedeće mišljenje:

Točkom 1 Incijative predložena je izmjena naziva navedene odluke na način da se iza riječi ratne vojne invalide doda "ne ratne vojne invalide, civilne žrtve rata- paraplegičare".

Stav Ministarstva, kao i UG RVI paraplegičara ZDK je da se ovom Odlukom želi istaći kategorija ratnih vojnih invalida - paraplegičara kao posebna i specifična, te da se prava invalidnih osoba koja ne pripadaju ovoj populaciji trebaju rješavati kroz druge oblike zaštite, putem Ministarstvo zdravstva, odnosno Ministarstva za rad, socijalnu politiku i izbjeglice.

Točka 2. Incijative: U članku 4 izmjeniti riječi Kantonalno ministarstvo zdravstva te umjesto njih dodati: "Zavod zdravstvenog osiguranja – Poslovnica"

Točka 3. Incijative: u članku 3. stavak 4. Dodati iza riječi "liste" riječi: "i van okvira".

Točka 6. Incijative: u članku 8. iza stavka 12. dodati novi stavak.13 koji glasi: "sve ostale lijekove van okvira liste propisuje doktor medicine specijalista odgovarajuće medicinske oblasti."

U pogledu citiranih prijedloga zajednički stav Ministarstva i UG RVI-paraplegičara ZDK je da važeće odredbe Odluke o proširenim pravima na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare, jasno definiraju osiguranje i nabavku sanitetskih materijala, njene oblike i postupak ostvarivanja prava ove kategorije branilaca.

Točka 5. Incijative: u članku 6. tabelarnog prikaza točka 15 iz tabele naziv TENA (pelene za odrasle) zamjeniti naziv: SENI, isti naziv promjeniti i u točki 16. i 17.

U vezi istog prijedloga stav UG RVI-paraplegičara ZDK je da su u pogledu materijala i sanitarnih potreba navedenih u članku 6. u tabelarnom prikazu red br.1-23, jasno precizirani nazivi neophodnih potrepština za ovu kategoriju i definirani uz suglasnost RVI-paraplegičara.

Uvažavajući stavove istog udruženja, kao predstavnika posebne kategorije branitelja na koju se predložene izmjene i dopune direktno odnose, Ministarstvo ne može podržati prijedlog Incijative za izmjene i dopune Odluke o proširenim pravima na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare.

Točka 4. Incijative: u članku 3. poglavlje V. dodati riječi u naslovu "i specijalna kolica" - evidentno je da u članku 3. Odluke o proširenim pravima na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare ne postoji poglavlje V, pa je u tom smislu nejasno o čemu se radi i što se želi.

Također želimo ukazati da je važećom Odlukom o proširenom obimu prava iz oblasti zdravstvene zaštite za branitelje i članove njihovih obitelji ("Sl. novine ZDK" br. 3/08 i 7/13) u članku 11. propisano da "Osobe iz članka 2. i 4. ove Odluke, u skladu sa važećim zakonskim propisima ostvaruju pravo na novčanu pomoć za: ...c) finansiranje ostalih potreba: 1) sufinansiranje nabavke ortopedskih pomagala koji se nabavljaju na teret sredstava Zavoda, do visine pune nabavne cijene, i to: - invalidskih kolica sa sljedećim karakteristikama; težine do 12 kg; sklopiva i rasklopiva, pogodna za lakše savladavanje arhitektonskih barijera, sa dobrom i jednostavnom mogućnošću manevrisanja, pogodna za samostalno unošenje u automobil i sl."

Iz naznačene odredbe je evidentno da Ministarstvo za boračka pitanja ZDK već sufinansira nabavku potrebnih pomagala između ostalih i invalidskih kolica za kategoriju branitelja – RVI paraplegičara.



MINISTAR
Nedžad Lokmić

PRIJEDLOG

Na osnovu članka 16. stavak 4. Zakona o Vladi Zeničko-dobojskog kantona - Pročišćeni tekst ("Službene novine Zeničko-dobojskog kantona" broj 7/10), a u svezi sa člankom 112. Poslovnika Skupštine Zeničko-dobojskog kantona - Novi pročišćeni tekst ("Službene novine Zeničko-dobojskog kantona" broj 7/12 i 12/13), na prijedlog Ministarstva za boračka pitanja, Vlada Zeničko-dobojskog kantona, na __.sjednici, održanoj ____2014.godine, donosi

ZAKLJUČAK

I.

Prihvata se Mišljenje Ministarstva za boračka pitanja Zeničko-dobojskog kantona broj: 13/04-1-02-6245-2/14 od 21.05.2014.godine, a u svezi Inicijative Općinskog vijeća Maglaj, prosljeđene u dopisu istog organa br: 02-05-1-521-1/14 od 26.03.2014.godine, kojom se predlažu izmjene i dopune Odluke o proširenim pravima na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare ("Službene novine Zeničko-dobojskog kantona" broj 4/05).

II.

Zaključak sa Mišljenjem iz točke I. ovog Zaključka dostavlja se Stručnoj službi Skupštine Zeničko-dobojskog kantona u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/14
Datum, ____2014.godine
Zenica

PREMIJER

Munib Husejnagić dipl.ing.maš.



DOSTAVLJENO:

1x Stručna služba Skupštine Kantona
1x Ministarstvo za boračka pitanja
1x a/a

Obrazloženje:

Pravni osnov:

Člankom 16. stavak 4. Zakona o Vladi Zeničko-dobojskog kantona – Pročišćeni tekst ("Službene novine Zeničko-dobojskog kantona" broj 7/10), propisano je da Vlada donosi zaključke kojima se utvrđuju stavovi o pitanjima od značaja za sprovođenje utvrđene politike, odnosno određuju zadaci kantonalnih organa uprave.

Člankom 111. Poslovnika Skupštine Zeničko-dobojskog kantona – Pročišćeni tekst, utvrđeno je da inicijativu za donošenje zakona može pokrenuti svaki zastupnik Skupštine, Vlada, ministarstva i ostali kantonalni organi, kantonalna javna preduzeća i druga pravna lica, općinska vijeća, kao i građani i njihova udruženja. Člankom 152. st. 1. istog akta propisano je da se donošenje odluka, deklaracija, rezolucija i preporuka vrši po odredbama koje se odnose na postupak za donošenje zakona, a člankom 112. da inicijativu za donošenje zakona predsjedavajući dostavlja Zakonodavno-pravnom povjerenstvu i Vladi na mišljenje.

Razlozi za donošenje:

Dopisom Stručne službe Skupštine Zeničko-dobojskog kantona br. 01/02-02-6245-1/14 od 28.03.2014.god. od Vlade Kantona zatraženo je mišljenje o inicijativi proslijeđenoj u prilogu dopisa Općinskog vijeća Maglaj br. 02-05-1-521-1/14 od 26.03.2014.god. - za izmjenu i dopunu odredbi Odluke o proširenim pravima na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare ("Sl. novine ZDK" br. 4/05).

Stručna služba Vlade ZDK je svojim aktima broj 02-1-02-6245-2/14 od 01.04.2014.g i 02-1-02-6245-4/14 od 07.05.2014.g zatražila mišljenje povodom iste inicijative OV Maglaj, a u okviru nadležnosti Ministarstva za boračka pitanja ZDK.

Ministarstvo za boračka pitanja, postupajući po navedenim aktima je dostavilo Mišljenje broj: 13/04-1-02-6245-2/14 od 21.05.2014.godine.

Predlaže se prihvatanje istog Mišljenja odnosno donošenje ovog zaključka i prosljeđivanje istog u daljnju skupštinsku proceduru.



MINISTAR


Nedžad Lokmić

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
VLADA
Stručna služba Vlade



Bosnia and Herzegovina
FEDERATION OF BOSNIA AND HERZEGOVINA
ZENICA-DOBOJ CANTON
GOVERNMENT

Broj: 02-1-02-6245-2/14
Zenica, 01.04.2014.godine



MINISTARSTVO ZA BORAČKA PITANJA
N/R MINISTRA

PREDMET: Inicijativa Općinskog vijeća Maglaj za izmjenu kantonalnih propisa, dostavlja se

U prilogu Vam dostavljamo akt Stručne službe Skupštine Zeničko-dobojskog kantona, broj: 01/02-02-6245-1/14 od 28.03.2014. godine, kojim se prosljeđuje Vladi Kantona na mišljenje tri inicijative, odnosno inicijative za izmjenu tri kantonalna propisa pokrenute od strane Općinskog vijeća Maglaj.

Kako bi se Vlada očitovala na navedene inicijative, potrebno je da pripremite izjašnjenje po tački 3 navedenog akta Stručne službe Skupštine. Izjašnjenje je potrebno dostaviti u roku od 15 dana.

S poštovanjem,

U prilogu: kao u tekstu

DOSTAVLJENO:

1x Naslovu,
1x a/a.



SEKRETAR


Berjana Ačkar

154



Broj: 01/02-02-6245-1/14
Zenica, 28.03.2014. godine

ZENIČKO-DOBOJSKI KANTON
VLADA KANTONA
Stručna služba Vlade
n/r sekretara



PREDMET: Tri inicijative Općinskog vijeća Maglaj, (za izmjene i dopune Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare, Odluke o neposrednom učešću osiguranih lica u troškovima korištenja zdravstvene zaštite i Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom - dostavlja se

U prilogu ovog dopisa, shodno odredbi člana 112. stav 1. Poslovnika Skupštine Zeničko-dobojskog kantona - Novi Prečišćeni tekst («Službene novine Zeničko-dobojskog kantona», broj: 7/12 i 12/13), dostavljamo Vam na mišljenje dopis Općinskog vijeća Maglaj, broj: 02-05-1-521-1/14 od 26.03.2014. godine, u prilogu kojeg se nalazi dopis istog Vijeća, broj: 01-49-401/14 od 05.03.2014. godine u kojemu su sadržane 3 inicijative, odnosno inicijative za izmjene i dopune 3 kantonalna propisa i to:

1. Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za ratne vojne invalide-paraplegičare („Službene novine Zeničko-dobojskog kantona“ broj:4/05),
2. Odluke o neposrednom učešću osiguranih lica u troškovima korištenja zdravstvene zaštite („Službene novine Zeničko-dobojskog kantona“ broj:4/05),
3. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07 i 13/11)

Navedeni akti su zaprimljeni u Stručnoj službi Skupštine dana 28.03.2014. godine.

Odredbom člana 111. Poslovnika Skupštine Zeničko-dobojskog kantona, propisano je sljedeće: „Inicijativu za donošenje zakona može pokrenuti svaki poslanik Skupštine, radno tijelo Skupštine, Vlada, ministarstva i ostali kantonalni organi, kantonalna javna preduzeća i druga pravna lica, općinska vijeća, kao i građani i njihova udruženja”.

Članom 112. Poslovnika Skupštine Zeničko-dobojskog kantona propisano je da inicijativu za donošenje zakona predsjedavajući dostavlja Zakonodavno-pravnoj komisiji Skupštine i Vladi Kantona na mišljenje. Zakonodavno-pravna komisija Skupštine i Vlada Kantona dužni su se izjasniti o inicijativi za donošenje zakona u roku od 30 dana.

Molimo Vas da nam u propisanom roku dostavite mišljenja povodom navedenih inicijativa, uz napomenu da je za svaku inicijativu potrebno dostaviti posebno mišljenje Vlade Kantona i Zakonodavno-pravne komisije jer će svaka od podnesenih inicijativa biti razmatrana kao posebna tačka dnevnog reda na sjednicama Skupštine Kantona.

S poštovanjem,

PRILOZI: Kao u dopisu

Dostavljeno:

- 1 x Naslovu,
- ☒ Ministarstvo za boračka pitanja,
- 1 x Ministarstvo za rad, socijalnu politiku i izbjeglice,
- 1 x Ministarstvo zdravstva,
- 1 x Svim članovima Zakonodavno-pravne komisije,
- 1 x Svim poslanicima Skupštine Kantona,
- 1x Općinsko vijeće Maglaj, Viteška 4, 74250 MAGLAJ, (na znanje)
- 1 x U spis predmeta-03

SEKRETAR

Ibrahim Avdagić



Broj: 02-05-1- 521-1/14
Maglaj, 26.03.2014.godine



MINISTARSTVO ZA BORAČKA PITANJA
N/r Ministra, Nedžad Lokmić

PREDMET: Dostava Inicijative po zaključku OV Maglaj sa sjednice održane dana 20.03.2014. godine .-

Općinsko vijeće Maglaj na sjednici održanoj dana 20.03.2014.godine razmatrajući inicijativu teško oboljelih osoba i njihovih porodica za izmjene i dopune Zakona kao i drugih općih akata iz nadležnosti socijalne i zdravstvene zaštite i informaciju u vezi okupljanja građana od 7.02.2014.godine je donijelo zaključak da se prihvati prijedlog gore navedene inicijative i da se pokrene pitanje izmjene zakonske regulative i drugih općih akata iz nadležnosti socijalne i zdravstvene zaštite, kako bi se olakšao položaj teško oboljelih osoba, odnosno porodica koje imaju kao člana invalidnu osobu.

U tom smislu pokrećemo prijedlog za izmjenu Odluka iz nadležnosti Kantona, a odnosi se na Odluku o proširenom obimu prava na korištenje medicinsko-sanitetskih pomagala, medicinskog materijala i lijekova za RVI – paraplegičare («Službene novine ZDK», broj: 4/5) na način kako je to navedeno u inicijativi.

Također predlažemo da se izvrši veće izdvajanje sredstava iz Budžeta ZDK za pomoć ovoj kategoriji invalidnih i teško oboljelih lica.

U prilogu ovog akta dostavljamo prijedlog navedene inicijative.

S poštovanjem,

PREDSJEDAVAJUĆI OV,

Marko Zelić



Broj: 01-49- 401/14
Maglaj, 05.03.2014. godine

OPĆINSKO VIJEĆE MAGLAJ

PREDMET: Inicijativa za izmjenu zakonski odredbi o ostvarivanju prava teško oboljelih lica.-

Rješenjem Općinskog načelnika br.01-49-219/14 od dana 10.02.2014. godine imenovana je Komisija za sagledavanja stanja na terenu za najteže oboljele kategorije građana Općine Maglaj. Imenovana Komisija je u periodu od 12.02. do 24.02.2014. godine obavila posjete jednog dijela najteže oboljelih osoba i sagledala stambene, materijalne i zdravstvene prilike ovih kategorija građana općine Maglaj, te sačinila informaciju koja je prezentovana na zajedničkom sastanku predstavnika Općine, JU "Dom zdravlja" Maglaj i JU "Centar za socijalni rad" Maglaj i predstavnik grupe najteže oboljelih građana na području općine Maglaj koji je održan dana 03.03.2014. godine i podržane su inicijative za rješavanje, a to su:

PRIJEDLOG INICIJATIVE

za izmjene i dopune Zakona kao i drugih općih akata iz iste nadležnosti socijale i zdravstvene zaštite

1. Obezbjedenje naknade u visini prosječnog ličnog dohotka na nivou FBiH za jednog roditelja-staratelja invalidnog lica, a koji je onemogućen zbog potrebne njege invalidnog lica da obavlja svoje redovne poslove, koji nisu definisani Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine Federacije Bosne i Hercegovine", broj: 36/99 i 39/06).
2. Obezbjedenje besplatnih lijekova kako za osnovnu tako i za dodatnu terapiju i proširenje liste ortopedskih pomagala za specijalna invalidska kolica i prilagođavanje osnovnih stambenih uvjeta invalidnoj osobi, kroz izmjenu i dopunu odluke Odluke o proširenom obimu prava na korištenje medicinsko-sanitetskih pomagala, medicinskog materijala i lijekova za ratne invalide-paraplegičare ("Službene novine Zeničko-dobojskog kantona br.4/05.") .
3. Obezbjedenje materijalno-finansijskih sredstava za prilagođavanje pristupa stambenim objektima u smislu otklanjanja arhitektonskih barijera za invalidna lica i oboljelu djecu kroz izmjene i dopune federalnog i kantonalnog Zakona o osnovama socijalne zaštite, zaštite civilnih žrtava rata i zaštite porodice s djecom.
4. Obezbjedenje patronažnog vozila za rad specijalista porodične medicine u svrhu odlazaka u kućne posjete oboljelim invalidnim licima i djeci kao i odlazaka na liječenje za socijalne kategorije koje nemaju vlastitog prijevoza i u teškoj su socio-ekonomskoj situaciji i to iz sredstava Kantonalnog ministarstva zdravstva, JU Dom zdravlje i Općine Maglaj .

Izmjene postojećih pozitivnih zakonskih propisa i drugih općih akata uraditi na slijedeći predloženi način:

Potrebno je izvršiti izmjene i dopune Odluke o proširenom obimu prava na korištenje medicinsko-sanitetskih pomagala, medicinskoga materijala i lijekova za ratne vojne invalide-paraplegičare ("Službene novine Zeničko-dobojskog kantona br.4/05.") na sljedeći način:

1. U nazivu gore navedene odluke iza riječi **ratne vojne invalide** dodati **"ne ratne vojne invalide"**, civilne žrtve rata – paraplegičare", invalidne osobe sa neurološkim oboljenjima"(mozak, kičma i nervni sistem)i lica oboljela od teške bolesti kao što su: maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infrakt(srčani i moždani), oboljenja mišićnog sistema, paralize i druga teška oboljenja u cijeloj odluci u cijelom tekstu Odluke o proširenom obimu prava koje su sadržane i u članovima članu 3, članu 4, član 5, članu 6. i članu 8. navedene Odluke.
2. U članu 4. izmijeniti riječi Kantonalno ministarstvo zdravstva te umjesto njih dodati: **"Zavod zdravstvenog osiguranja-Poslovnica"**.
3. U članu 3. stav 4. dodati iza riječi Liste riječi: **"i van okvira"** ostali dio teksta ostaje ne promijenjen .
4. U članu 3. poglavlje V dodati riječi u naslovu **i specijalna kolica.**
5. U članu 6. Tabelarnog prikaza tačka 15 iz tabele naziv TENA (pelena za odrasle svih veličina) zamijeniti naziv:"**SENI**" , isti naziv promijeniti i u tački 16 i 17.
6. U članu 8. iza stava 12 dodati novi stav 13 koji glasi:
"sve ostale lijekove van okvira liste propisuje doktor medicine specijalista odgovarajuće medicinske oblasti".
U Odluci o neposrednom sudjelovanju osiguranih osoba u troškovima korištenja zdravstvene zaštite 8. "Službene novine Zeničko-dobojskog kantona", broj: 4/05)
U članu 3. tačka 5 brisati riječi:: **"Na mehanički pogon"** dalji dio teksta ostaje ne promijenjen.
7. U poglavlju V dodati tačku e) ne ratni invalidi i civilne žrtve rata – **sa rokom od 48 mjeseci sa posebnim osvrtom za djecu u razvoju po potrebi bez mjesečnog ograničenja.**
8. U poglavlju IV dodati član 38. novi koji glasi:
9. **"Nakon iskorištavanja i upotrebe ortopedskih i drugih pomagala koji za pacijenta nisu za dalju upotrebu po prijedlogu ovlaštenog liječnika iste vratiti u Stacionar JU Kantonalna bolnica Zenica "**
10. Naredni član 38. postaje član 39. član 39. itd.
U Zakonu o socijalnoj zaštiti, zaštiti civilnih žrtava rata i zaštiti porodica s djecom ("Službene novine Zeničko-dobojskog kantona ", broj: 13/07 i 13/11), u članu 63. tačka f) iza riječi grupama dodati riječ:" **i invalidnim licima**" u nastavku teksta iste tačke iz riječi probleme dodati zarez i tekst:" **a naročito stambene kao i otklanjanje arhitektonskih barijera**".
11. U članu 112. stav 1.) dodati tačku g) koja glasi:"**obezbjedenje stambenog prostora i prilaza te prilagođavanje istih invalidnim licima u porodici ."**

O b r a z l o ž e n j e

Nakon rada Komisije za sagledavanje stanja na terenu najteže oboljelih kategorija građana općine Maglaj formirane od strane Općinskog načelnika, rješenje broj: 01-49-219/14 od 10.02.2014. godine održani su konsultativni sastanci sa predstavnicima Općine, JU "Dom zdravlja " Maglaj, JU "Centar za socijalni rad" Maglaj i predstavnika grupe građana najteže oboljelih osoba na kojima su

jednoglasno prihvaćeni prijedlozi Komisije i odlučeno je da se ide u proceduru izmjena i dopuna Zakona o zdravstvenoj zaštiti i Zakona o socijalnoj zaštiti, zaštiti civilnih žrtava rata i zaštiti porodica s djecom kao i naprijed navedenih Odluka iz nadležnosti kantonalnih organa uprave.

Kao Načelnik Općine Maglaj predlažem da se podrži inicijativa i da se uputi u Parlamentarnu proceduru u Skupštini Zeničko-dobojskog kantona, Federalni Parlament i Fond zdravstvene zaštite, kao i svim drugim kantonalnim organima uprave u skladu sa propisanim procedurama.

S poštovanjem.

Obradivač:
Rifat Skejić, dipl.pravnik



OPĆINSKI NAČELNIK
Mehmed Mustabašić, prof.

Dostavljeno:

1. Naslovu,
2. Služba za BISZ, opću upravu
i društvene djelatnosti,
3. Arhiva.